

## M-16/2013 Álit 7. júní 2013

### Álit kærunefndar lausafjár- og þjónustukaupa

Hinn 7. júní 2013 gaf kærunefnd lausafjár- og þjónustukaupa svohljóðandi álit í málínu nr. M-16/2013:

#### I Álitaefni og kröfugerð

Hinn 4. febrúar sl. bað X, hér eftir einnig nefndur álitsbeiðandi, um álit kærunefndar lausafjár- og þjónustukaupa vegna gjalds sem Y, heimti af honum vegna bilanagreiningar.

#### II Málsmeðferð kærunefndarinnar

Kærunefnd lausafjár- og þjónustukaupa starfar samkvæmt ákvæðum laga nr. 87/2006 um breytingu á lögum um lausafjárkaup, lögum um þjónustukaup og lögum um neytendakaup og reglugerðar nr. 766/2006 um kærunefnd lausafjár- og þjónustukaupa.

Hinn 13. febrúar sl. sendi kærunefndin álitsbeiðanda svohljóðandi bréf:

„Kærunefnd lausafjár- og þjónustukaupa hefur nú til meðferðar mál þitt þar sem kvartað er vegna viðskipta við Y Af því tilefni vill kærunefndin benda á að hún starfar samkvæmt reglugerð nr. 766/2006 um kærunefnd lausafjár- og þjónustukaupa, en í 2. mgr. 6. gr. þeirrar reglugerðar segir: „Í álitsbeiðni skal lýst því ágreiningsefni sem leitað er álits á og þeim kröfum er beiðandi gerir á hendur gagnaðila. Kröfurnar ber að rökstyðja. Álitsbeiðninni skulu fylgja þau sönnunargögn um málsatvik sem tiltæk eru.“

Til samræmis við téð ákvæði óskar kærunefndin því eftir:

- 1) Nánari gögnum sem fyrir hendi eru um tölvuna sem til stóð að gera við, t.a.m. kvittun vegna kaupa á tölvunni, aldur hennar, tegund o.fl.
- 2) Hvenær atvilk máls áttu sér stað.
- 3) Hvaða kröfur þú gerir á hendur seljanda viðgerðarþjónustunnar.

Þá óskar kærunefndin eftir hverjum öðrum þeim gögnum sem þú kannt að hafa undir höndum sem varpað gætu ljósi á máli þitt.

Frestur til að skila umbeðnum gögnum og upplýsingum er til 25. febrúar n.k. Verði ekki orðið við þessu má vænta þess að málínu verði vísað frá nefndinni.“

Kærunefndinni hefur ekki borist svar við framangreindu bréfi og hefur álitsbeiðandi ekki haft samband við hana á annan hátt. Kærunefndin álítur því óhjákvaemilegt að vísa beiðni álitsbeiðanda frá nefndinni með heimild í 2. mgr. 7. gr. reglugerðar nr. 766/2006 um kærunefnd lausafjár- og þjónustukaupa.

Kærunefndin tekur fram að þrátt fyrir það að álitsbeiðninni hafi verið vísað frá getur álitsbeiðandi sent kærunefndinni nýja beiðni um álit fylgi henni þau gögn sem beðið var um í bréfi nefndarinnar frá 8. nóvember sl.

**III**  
**Álitsorð**

Álitsbeiðni X er vísað frá kærunefnd lausafjár- og þjónustukaupa.

---

Pétur Örn Sverrisson  
formaður

---

Jón Rúnar Pálsson

---

Hildigunnur Hafsteinsdóttir